

太上三生解冤妙經

爾時

尋聲救苦天尊 與諸侍從巡遊十方世界 化度眾生 出離苦海 令  
歸正道 不入邪宗 觀見西方境內一國王 號淨梵 此國人民多生  
淫殺 不造善功 多沉地獄 多失人身 念彼眾生 遂即化身下降  
其國王夜夢神報 來日天真自東而至 何不迎之 王心不寐 坐  
而待旦 招眾大臣 后妃天親 及諸市民 遠離本所 迎接天尊  
至於城西 有一大園 樓閣嚴整 花木繁盛

是時

天尊在七寶殿內金龍座上 天童侍衛 國王大臣 后妃天親 及諸  
市民 座下圍繞 觀聽演說正一妙法 俄然瑞氣盈園 天花交散  
大眾驚異 喜悅難言 時有皇后及諸貴妃 燒香拜禮 跪而告曰  
弊居小國 愚魯之邦 未嘗得聞如斯高玄妙道 今日遇值 深為幸  
矣 有少短意 欲訴道前 伏願洪慈 特賜允許  
天尊曰 汝有何言 盡心而說 皇后告曰 今王年老 子嗣未立  
先有所懷 數月之中 遂致損落 其或月滿 所得男女 或一歲二

太上三生解冤妙經

清微藏書閣

歲 或三歲 或五歲之間 即便死亡 未知前生今世何罪 致得如  
是 若蒙哀愍 則仰受訣言

天尊曰 是汝前生之中 懷孕不慎 殺落其胎 兒女心內憎嫌 故  
得今身 如此之報 恐汝不信 吾今攝此冤魂 汝當親問 天尊指  
處 皇后視之 見一夜叉 面如葉藍 眼如怪星 指皇后而言 前  
生之時 我受陰注 投你為母 你身年幼 全無惜護 隨性作為  
因此不慎 殺落我身 今欲還報 緣汝前世 生居中國 敬奉天地  
日月星辰 勤侍翁婆 孝順父母 欽崇三寶 至重善人 塑像造  
經 略無慳惜 蓋殿修壇 竭力施為 憫憐困苦 濟惠貧寒 積此  
善功 今生證為小國之后 若非此福 我即殺你 料應多日 皇后  
聞言 心神懼怕 戰戰兢兢 拜跪道前 我有先身 曾作如是 今  
日雖知 悔之何及 伏望天尊 略示方便 捨自己之財 盡為布施  
願求解釋

天尊曰 善哉善哉 汝雖前生建大功德 廣作福田 即知不曾懺悔  
身中之冤結 吾昔於正一天尊 受 三生解冤妙經 汝當隨吾精心  
誦之 冤業自消 夫人稟天地而生 構陰陽而成 三月之外 始分

男女 可保而不可傷 可養而不可害 命與大人一體無異 誤損有落 便成冤債 一日造冤 三世報還 豈不怖哉 迷昧眾生 倚恃年壯 懷孕之時 全無將護 恣意而行 登高跳下 負重急走 或跨騎勞形 或陰陽不慎 或撞或隱 或搨或按 或撲或揉 或服藥而損 或針刺而傷 或餐毒魚惡肉 或喫硬物冷漿 如斯等事 妊孕多傷 或是自作 或教他殺害之因 焉能盡說 前生所作 今身還報 致使懷孕多病 疼痛纏綿 飲食減少 行立艱難 皮膚腫破 腰似錐鑽 巴明盼夜 度日如年 受此痛苦 嗚至月足 臨產多般 或連日不分 或橫逆不順 親姻恐懼 眷屬憂惶 當此之時 冤家來害 苦痛非常 或母活子死 或子活母死 或子母俱亡 皆為橫天之魂 若得托生 依前再受 若未托生 纏害親姻 若遇此經 志心持念 一切冤業 盡總消除 即說咒曰

晨昏運度 耀明古今 萬類受稟 結化成形  
冤業誤染 三世相侵 正一之氣 解免冤魂  
聞之即散 聽之離分 天丁甲卒 扶護無傾  
速生速免 各得安寧 元皇符命 時刻不停

## 太上三生解冤妙經

清微藏書閣

急急如律令

是時 念經七遍 夜叉座前拜謝天尊 我今承斯功德 徑往中土 託生富貴之家 拜謝而去 眾人聞之 皆大歡喜

天尊曰 此經非獨解一人之冤結 汝等各發誠心 誦經百遍 一國之人 應有冤結 悉皆解脫 于會下言 同聲誦之 至於百遍 驀見陰雲四布 黑霧之中 瑞氣垂空 諸多類拜而言 我等特蒙天慈 降賜經法 一國冤結 已生未生 罪無輕重 咸皆解脫 倏忽之間 雲收霧斂 天氣朗清 人民歡慶 讚謝天恩 眾等告曰 然賴道力 普得濟度 雖無即日之冤 慮有他時所犯 作何預修功德 永離此苦

天尊曰 吾今說此 三生解冤妙經 若有善男子善女人 每日燒香誦經三遍 己身冤結 盡皆消滅 如精心抄一本與人 合家眷屬 同霑福惠 若復有人胎氣怯弱 或數落不安 轉禮此經 即得安穩 必得智慧男女 如睡夢中間 常見亡過兒女 此是冤業 又待重來 精心每日旦暮燒香 拜禮此經 冤魂自退 普無驚怖 若復有人臨產多難 即於難月之前 請正一道士法師 對三清聖像 焚香

誦經 遂感善神護佑 誕育順理 則無冤橫之災 子母全安 各保  
天年之壽 如行住坐臥 精誠持念 後世為人 富貴聰明 形容端  
正 子孫榮旺 獲福無量 歎斯因緣 而作偈曰  
眾生多結冤 冤深難解結 一日結成冤 三世報不歇  
我今傳妙經 解除諸冤業 聞誦志心聽 冤家自消滅  
是時

天尊說經既畢 諸仙大聖來迎天尊 巡遊他方 濟拔群品 再為國  
王后妃曰

自後依奉正道 即生孝慧之男

吾今付汝靈符三道 朱書吞之

一符保身 一符辟冤魂 一符催速生 汝等可以教世人遵敬奉行  
保身符 辟冤符 催產符

山  
曰  
王  
聖  
曰  
忍  
忍

太上三生解冤妙經竟

# 太上三生解冤妙經

清微藏書閣

天運辛卯年酉月正一天師清微弟子洪鼎堅羅大英恭錄彙編

李柔欣複校